

Treguesit demografikë

Tremujori I – 2020


Tiranë, më 19 maj 2020: NUMRI I LINDJEVE DHE VDEKJEVE GJATË TREMUJORIT TË PARË 2020 MUND TË MOS REFLEKTOJË REALITETIN, PASI PËR SHKAK TË SITUATËS SË COVID -19, MOS RAPORTIMET NËPËR ZYRAT E GJENDJEVE CIVILE NË TË GJITHË SHQIPËRINË PËR NUMRIN E LINDJEVE DHE VDEKJEVE MUND TË MOS JENË REFLEKTUAR NË REGJISTRAT PËRKATËS. KËSISOJ, TË DHËNAT DO TË JENË OBJEKT RISHIKIMI GJATË TREMUJORIT TË DYTË 2020 DHE DO TË RIVLERËSOHEN.

Numri i lindjeve për tremujorin e parë 2020 është 6.126, duke shënuar një rënie me 2,1 %, krahasuar me tremujorin e parë 2019.

Numri i vdekjeve për tremujorin e parë 2020 rezulton 6.115, duke shënuar një rënie prej 3,9 %, krahasuar me tremujorin e parë 2019.

Gjatë tremujorit të parë 2020 numri i lindjeve tejkalon me 11 numrin e vdekjeve.

Fig. 1 Shtesa natyrore e popullsisë




Për publikim: 19 maj 2020

Në tremujorin e parë 2020 pesë qarqe të vendit kanë shënuar shtesë natyrore pozitive të popullsisë, ndërsa në shtatë qarqe, shtesa natyrore e popullsisë ishte negative.

Në tremujorin e parë 2020 vlera më e lartë e shtesës natyrore regjistrohet në qarkun e Tiranës, ku numri i lindjeve tejkalon me 560 numrin e vdekjeve, ndërsa ajo më e vogël regjistrohet në qarkun e Korçës, ku vdekjet tejkalojnë me 248 numrin e lindjeve.

Fig. 2 Lindjet, vdekjet dhe shtesa natyrore sipas qarqeve, T1 – 2020



Lindjet

Në tremujorin e parë 2020 tre qarqe të vendit kanë shënuar rritje të numrit të lindjeve, në krahasim me të njëjtën periudhë të vitit 2019, ndërsa në nëntë qarqe ka pasur rënie.

Në tremujorin e parë 2020 numri më i madh i lindjeve regjistrohet në qarkun e Tiranës, me 2.059 lindje, ndërsa ai më i vogël në qarkun e Gjirokastrës, me 91 lindje.

Rritjen më të madhe në përqindje të lindjeve, gjatë tremujorit të parë 2020, krahasuar me të njëjtën periudhë të vitit 2019 e ka qarku i Lezhës me 17,6 %, rënien më të madhe e ka qarku i Kukësit me 38,7 %.

Tab. 1 Lindjet sipas qarqeve

Nr.	Qarku	I - 19	II - 19	III - 19	IV - 19	I - 2020**
	Shqipëria	6.257	6.655	7.739	7.910	6.126
1	Berat	258	251	322	316	246
2	Dibër	368	400	424	416	298
3	Durrës	669	703	842	866	649
4	Elbasan	567	678	762	761	594
5	Fier	596	555	694	755	556
6	Gjirokastrë	109	115	122	160	91
7	Korçë	407	443	461	439	380
8	Kukës	238	270	279	316	146
9	Lezhë	267	272	358	362	314
10	Shkodër	380	420	502	557	422
11	Tiranë	2.063	2.224	2.509	2.525	2.059
12	Vlorë	314	289	437	397	284
	<i>Të panjohur*</i>	21	35	27	40	87

*Kategoria "Të panjohur" nënkupton numrin e lindjeve të gjalla, për të cilat informacioni i qarkut ku është regjistruar lindja mungon.¹

**Të dhëna paraprake

Vdekjet

Në tremujorin e parë 2020 dhjetë qarqe të vendit kanë shënuar ulje të numrit të vdekjeve, në krahasim me të njëjtën periudhë të vitit 2019, Korça ka pasur rritje, ndërsa Elbasani nuk ka pasur ndryshim.

Në tremujorin e parë 2020 numri më i vogël i vdekjeve regjistrohet në qarkun e Kukësit me 134 vdekje, ndërsa ai më i lartë në qarkun e Tiranës, me 1.499 vdekje.

Rënien më të madhe në përqindje të vdekjeve, gjatë tremujorit të parë 2020, krahasuar me të njëjtën periudhë të vitit 2019 e ka qarku i Dibrës me 21,0 %, ndërsa rritjen më të madhe në përqindje e ka qarku i Korçës me 2,8 %.

¹ Shiko metodologjinë në linkun në vijim:

<http://www.instat.gov.al/al/temat/treguesit-demografik%C3%AB-dhe-social%C3%AB/lindjet-vdekjet-dhe-martestat/#tab4>

Tab. 2 Vdekjet sipas qarqeve

Nr.	Qarku	I - 19	II - 19	III - 19	IV - 19	I - 2020**
	Shqipëria	6.361	5.149	5.006	5.421	6.115
1	Berat	369	336	258	262	357
2	Dibër	291	216	224	219	230
3	Durrës	569	452	437	579	526
4	Elbasan	618	488	499	460	618
5	Fier	719	540	577	569	692
6	Gjirokastër	221	161	179	191	214
7	Korçë	611	548	451	513	628
8	Kukës	156	127	132	124	134
9	Lezhë	284	231	207	251	283
10	Shkodër	537	402	408	442	479
11	Tiranë	1.504	1.261	1.246	1.378	1.499
12	Vlorë	476	381	380	430	454
	<i>Të panjohur*</i>	6	6	8	3	1

*Kategoria "Të panjohur" nënkupton numrin e vdekjeve, për të cilat informacioni i qarkut ku është regjistruar vdekja mungon.

**Të dhëna paraprake

Metodologjia

Të dhënat tremujore për lindjet dhe vdekjet, në nivel kombëtar dhe qarku përbëjnë një hallkë të rëndësishme të demografisë së vendit. Ato paraqesin të dhëna mbi ndryshimet në popullsi, të cilat kanë impakt në jetën ekonomike dhe sociale të vendit. Këto të dhëna publikohen mbështetur në Programin e Statistikave Zyrtare 2017-2021.

Lindjet

Të dhënat e lindjeve:

Të dhënat e lindjeve, sipas gjinisë sigurohen nga Drejtoria e Përgjithshme e Gjendjes Civile, e cila dërgon në INSTAT vetëm numrin e lindjeve të banuesve në Shqipëri. Konsiderohen të gjitha lindjet e banuesve në Shqipëri gjatë periudhës referencë, duke mos marrë parasysh lindjet e banuesve jashtë Shqipërisë (emigrantëve), edhe pse mund të regjistrohen në zyrat e gjendjes civile, pranë ish-vendbanimeve të tyre.

INSTAT sipas metodologjisë që ndjek, numëron numrin e lindjeve sipas datës së ndodhjes së ngjarjes dhe jo sipas datës së regjistrimit të kësaj ngjarjeje në zyrat e gjendjes civile.

Regjistrimet e vona të lindjeve

Kryhet një rregullim i vogël i numrit të lindjeve që regjistrohen vonë për vitin aktual, në mënyrë që të përfshijmë të gjitha lindjet e ndodhura në periudhën referencë. Numri i lindjeve të regjistruara vonë, në vitin e mëparshëm janë konsideruar si një proxy për regjistrimet e vona të vitit aktual, duke konsideruar supozimin (si rezultat edhe i analizave tona të vazhdueshme) që numri i regjistrimeve të vona të lindjeve nuk ndryshon shumë nga viti në vit.

Vdekjet

Të dhënat e vdekjeve

Të dhënat e vdekjeve sigurohen nga Drejtoria e Përgjithshme e Gjendjes Civile, sipas karakteristikave bazë demografike. Konsiderohen të gjitha vdekjet e banuesve në Shqipëri gjatë periudhës referencë, duke mos marrë parasysh vdekjet e banuesve jashtë Shqipërisë (emigrantëve), edhe pse mund të regjistrohen në zyrat e gjendjes civile pranë ish-vendbanimeve të tyre.

INSTAT sipas metodologjisë që ndjek, numëron numrin e vdekjeve sipas datës së ndodhjes së ngjarjes dhe jo sipas datës së regjistrimit të kësaj ngjarjeje në zyrat e gjendjes civile

Regjistrimet e vona të vdekjeve

Bëjmë një rregullim të vogël të numrit të vdekjeve që regjistrohen vonë për vitin aktual, në mënyrë që të përfshijmë të gjitha vdekjet e ndodhura në periudhën referencë. Numri i vdekjeve të regjistruara vonë, në vitin e mëparshëm janë konsideruar si një proxy për regjistrimet e vona të vitit aktual, duke konsideruar supozimin (si rezultat edhe i analizave tona të vazhdueshme) që numri i regjistrimeve të vona të vdekjeve nuk ndryshon shumë nga viti në vit.

Përkufizime:

Shtesa natyrore e popullsisë: Shpreh rritjen/rënien e popullsisë, si rezultat i proceseve biologjike (lindjeve dhe vdekjeve) të saj, gjatë një periudhe kohe. Ky tregues shprehet si diferencë ndërmjet lindjeve dhe vdekjeve.

Lindje e gjallë: Lindjet e fëmijëve që shfaqën shenja jete.

Vdekje: Nënkupton zhdukjen e përhershme të të gjitha shenjave të jetës, në çdo kohë pasi ka ndodhur një lindje e gjallë (ndërprerjen e funksioneve vitale, pa aftësinë e ringjalljes).